

HERMENEUTICA
BIBLICA

ED.

DR. S. SZÉKELY


BS476

S9

C.1

221539


007879



EX LIBRIS
HEMETHERII VALVERDE TELLEZ
Episcopi Leonensis



1080020680



HERMENEUTICA BIBLICA

GENERALIS

SECUNDUM PRINCIPIA CATHOLICA.

SCRIPSIT

DR. STEPHANUS SZÉKELY,

PROFESSOR P. O. STUDIИ BIBLICI N. T.

IN REG. HUNG. SCIENTIARUM UNIVERSITATE BUDAPESTINENSI.

CUM APPROBATIONE REV. ORDINARIATUS STRIGONIENSIS.

UNIVERSIDAD DE BUEVO LEON
Biblioteca Valverde y Tellez



FRIBURGI BRISGOVIAE
SUMPTIBUS HERDER
TYPOGRAPHI EDITORIS PONTIFICII.

MCMII.

VINDBONAE, ARGENTORATI, MONACHII, S. LUDOVICI AMERICAE.

Capilla Alfonsina
Biblioteca Universitaria

44589

V.
220.4
S.

BS476
59

HERMENEAUTICA BIBLICA

GENERALIS

ACADEMIAE SCIENTIARUM HUNGARICAE

Omnia jura reservantur.



FONDO VETERIO
VALVERDE Y TELLEZ

Ex officina consortii Athenaei, Budapestini.

PRAEFATIO.

Hic habes, benevole lector, hermeneuticam biblicam, tum tironibus s. theologiae, tum iis, qui altioribus studiis vacant, destinatam. Pro duplici fine hunc in rebus tractandis ordinem servavimus, ut ea, quae scholis necessaria sint, litteris plerumque distinguamus majoribus, ea autem, quae ad profundiora studia pertineant, minusculis litteris scripta adjiciamus, ita simul et brevitati ac facilitati, et ubertati materiae lectorumque curiositati prospicientes.

Nonnullas res hermeneuticae aliisque disciplinis theologicis communes copiosius tractavimus; tum quia illae revera ad integritatem systematis hermeneutici pertinent, tum quia illae, propter inevitabilem aliquando studiorum ordinem praeposterum, demum post studia biblica in scholis theologicis traduntur et in exegesi non sine magno detrimento desiderantur. Uberius tropos biblicos exposuimus, a profanis satis diversos, intellectu saepe difficiles, item figuras, in commentariis frequenter memoratas. Neque ideo vituperationem peritorum timemus, quod leges interpretationis Christianae et catholicae fusius disseruimus ac defendimus, iisque contraria rationalistarum et protestantium placita systematice proposuimus ac refutavimus.

007379

Id enim temporibus nostris maxime necessarium esse constat. Haec autem, ne aedificium sine fundamento struamus, adumbrationem inspirationis et regulae fidei postularunt, quae, qui aliunde sciunt, hic facile praetereunt.

Ut candidatos theologiae ad profundiora studia incitemus iisque fontes ac promptuaria scientiae aperiamus, ampliorem rebus majoris momenti adjunximus bibliographiam. Historiam quoque exegesis, non tantum Christianae, sed etiam Judaicae, prolixius narravimus.

In vocabulis Hebraicis aliisque Semiticis transscribendis morem in Germania plerumque usitatum servavimus; sed ׀ littera ׀, ׀ quiescens et ׀ in .. quiescens apice flexo ^ significavimus, aspirationem autem litterarum ׀ et ׀ auditu minus sensibilem in transscribendo negleximus.

Quum ergo librum nescio quam bene, sed certe multis doctorum catholicorum libris consultis diligentissime atque optimo quo potui modo compositum publici juris facio, Spiritum Sanctum auctorem Bibliorum summumque interpretem oro atque obtestor, ut librum ejusque lectores benedicere, quae operi desunt ea gratiae suae lumine compensare, et labore meo quantumvis indigno ad suam gloriam uti benignissime dignetur.

Datum Budapestini, festo S. Marci evang. anno salutis millesimo nongentesimo secundo.

Auctor.

Prolegomena.

§ 1.

S. Scripturae descriptio.

S. Scriptura est corpus 73 librorum, partim historicorum, partim didacticorum, partim propheticorum, a viris inspiratis scriptorum, historiam oeconomiae salutis et partem revelationis divinae principalem continentium.

1. — *Auctores* S. Scripturae sunt homines summa fide digni, per quos Spiritus Sanctus locutus est et scripsit, eos ad scribendum movens, in scribendo ducens, errores arcens et ubi opus erat veritatem revelans. Libri ergo isti duplicem habent auctorem: humanum et divinum, duplicemque naturam: humanam et divinam. Scripti sunt per spatium quindecim saeculorum a Moyse usque ad tempora apostolorum.

Vocantur etiam Biblia scil. libri per excellentiam; deinde Scriptura per excellentiam, item S. Litterae. Quum autem ipsa oeconomia salutis in antiquum et novum foedus dividatur, quorum prius redemptionem praeparavit, posterius redemptionis opus perfecit et generi humano applicat: etiam libri sacri tamquam hujus oeconomiae salutis documenta in libros antiqui et novi testamenti seu breviter in Antiquum et Novum Testamentum vel Foedus (*διαθήκη*) dividi solent. In Veteri Test. 46, in Novo 27 libri numerantur. Horum librorum multi nomen auctorum humanorum ipso titulo prae se ferunt; aliorum auctor humanus ignoratur.

2. — Corpus illud librorum inspiratorum A. T. a Christo et apostolis inspiratis divina auctoritate approbatum, item corpus librorum N. T. ab aeclesia Christi infallibili collectum vocatur *canon* sacrorum librorum. Libri sacri quorum divina origo in antiqua ecclesia nunquam in dubium vocata est, dicuntur protocanonici; illi autem, de quorum divina origine apud Judaeos olim dubitabatur et hodie quoque dubitatur,